

Ch L 3200/7141

HARVARD COLLEGE LIBRARY
FROM THE
HARVARD-YENCHING
INSTITUTE

1

JUL 18 1930

3150

Ch L 3200.7141.83

鳳

臺

縣

志

序

子

昔歲丙戌余司牧鞏襄旋

攝承天上黨篆先後修郡

志各如千卷鐫刻成書

後十有餘年復以貴西監

司遷守護澤越三載癸卯

季春大尹林君以新修邑

序

一

志請余欣然曰考文徵獻
時之急務亦事之盛舉也

我下官翁平野山貴西遊

皇上稽古右文平表諭臣言

特命儒臣纂修一統志下所在

十九州縣博訪忠孝軼事以及

金石遺文兩首邑近在附

郭志乘缺如無以供採訪

之具守土者引為己責固

其宜也夫彰往所以察來

考古即以監今棟樞寄其

任非第矜鄧林之材琮璜

典於宗非第侈于園之產

蓋舉典必激諸事徵事必

措諸用謹嚴肅括義泛於
史而不以僭史實志之體
例然也大尹是書勅稿於
春末竣工於冬初其文約
而賅典而不支於舊編所
載刪其繁辨其誤無激不
闡無缺不補別類分門整

然具備上以體

國家分土之意下以為士儒考
辨之資吾知觀風者必採
而錄之登於輶軒而後之
人展卷披閱亦借此以為
折衷則大尹之徵文考獻
事在勅舉固為當務之急

且通與余歷任以來纂修
諸志之見有合也故為并
序數言於偏若夫茲邑之
沿革星野以逮風尚事蹟
之詳悉胥載志中茲不備
書

誥授朝議大夫澤州府知府加

三級紀錄五次前中憲大
夫貴州貴西兵備道鉅野
姚學瑛梅園序



叙

著雍困敦之冬吾鄉吳比
部巖視學山右余為幕下
客遂得遍歷晉省諸名郡
若平陽蒲坂若紫塞雁門
非地以險峻稱即俗以淳
樸著慨然見古之遺又其

南曰澤州考澤州之名始
自隋開皇大業我
朝雍正六年陞州為府隸五
屬而以鳳臺附郭鳳未有
志于徵文考獻之意未憚
焉越歲庚子余以孝廉出
宰平定屬之臯縣以古臯

落氏名也明年攝芮城事
是秋攝崞事又明年攝祁
事所至輒求其志而讀之
以出政涖民庶不為無本
今茲攝篆茲邑故無志
余固知之既至則卷帙褻
然矣詢所自則為前令今

移黔牧莆田林公請於
郡伯梅園先生而作首

御製終雜志凡二十卷計三十
門其所陳說類皆引據經
史參証金石原委滄
海大觀也余惟鳳邑以太
行為藩蔽踞天黨之上游

背控燕雲襟帶河朔晉志
有之而以余浙人夢想不
到之區及一到而未盡游
覽之勝今得于簿書之暇
偕二三同志跨白水越丹
林瞰天井之幽深穿羊腸
之險仄蒼々莽々作五嶽

遊幸矣而又以郡伯嗜
古前令能文舉斯邑之山
川貢賦人物忠孝歲時禮
俗備載于編俾後之宰斯
邑者得而讀之以之涖民
以之出政吾知其為保障
不為繭絲也然則是書也

成可不謂斯邑之幸又可
不謂宰斯邑者之幸也夫
乾隆甲辰五月

勅授文林郎山西平定州樂平
縣知縣署鳳臺縣事加三
級吳興嚴鳴序



序

序

鳳臺設縣五十年而志

乘未備予於己亥歲承乏

芥王有志脩舉會以因循

不果今年春簿書稍暇適


白於郡伯梅園先生請

受編纂事宜乃數延耆儒

序

一

鳳臺縣志



鳳臺縣志

鳳臺縣志

鳳臺縣志

鳳臺縣志

鳳臺縣志

與紳士十餘人分以採訪
校繕寫共任厥責館設于
夏之四月越五月而稿脫凡
二十卷計三十類字約二十
四萬有奇擇剞劂之良者
設其工致縣志之設本周
禮小史之職所以徵文獻

而闡幽微俾司牧者有所
據以遵循志內首表沿革
則高都晉城之設而國郡
州司路道之建置所由統
轄也次分星野則實沈大
夏之墟而與鬼羊昴觜觿
之傑度所由釐正也志山

川則閘隘扼塞防汎斥堠
而天門武斬羊腸馬牢
之險峻青可坐而策步也志
城池則署名壇廟津亭
道里而蓋城端氏護澤
丹川之疆界皆可指為画
也核其田賦戶口凡三則之

錯壤兩稅之更新以及錢
炭出粟之物產悉據冊而
知也觀其風俗學校系州
縣之舊習守土之禁處以
及鄉校書院之遺規皆按
籍以求也若以職官而論
宦蹟則志列學術事功

循良廉能均合祭法此中
之表、者正多也如以選柔
而定人物則經濟文章節
孝隱逸技術概予臚列其
外立泯、者無詞也古蹟墟
塚有志而亟辨登高靜脩
表墓重其品書見其人之焉

伽藍道院有志而張仙遺殼
遠公疏徑神其事特傳其
地焉烈女則彤管揚輝柏
舟誓志或受旌

潮廷或名傳鄉里巾幗中之
茹荼飲蘖指不據屈焉藝
文則典籍成林簡編種架

或經傳康節或學本明
道薦紳輩之揚風於雅
稽雜罄述焉事書爭戰
而編年紀月附以歷代之祥
彙即支辭也錄集金石而
詳辨切究禮以諸家之鈴
說非恠謖也蓋所謂微文

敷而闡也微也昔馬汝驥
嘗著三秦通志及遷出
澤野而漫無著位

國朝尋振捭四州文獻號稱
博雅今已散佚不傳舊州
志而後脩葺府志亦分歲
外事亦多煩雜無章今

特征五經史系之子集
呂
輯其弊而補其漏五十條
年來備五書至是觀成庶
幾考古監今有所據以為
折衷云

乾隆癸卯十二月

勅授文林郎知鳳臺縣事陸

任貴州麻哈州知州蕭田

林荔序



國朝鼎鑄

感臺雜山圖

圖攷

八三系示



篆書

篆書


東北至高平縣界六十里

鳳臺縣水圖


每方十里

東至陵川縣峰頭鋪界五十里

東至鑊板山接河南修武縣界



南至城子接河



里一百一



西北至岳神山接沁水縣界四十里

圖攷


西至周村接陽城縣界五里

西南至王河里接河南濟源縣界一百里


澤州府治圖





澤州府公署





圖攷







澤州府都司公署



圖攷

七

澤州府試院



圖攷

鳳臺縣志修志姓氏

監修

澤州府知府前貴州貴西兵備道姚學瑛 山東鉅野人

主修

鳳臺縣知縣陞任貴州麻哈州知州林 荔 福建莆田人


協理

澤州府教 授王 雯 陽曲人

鳳臺縣復設教 諭韓仙檜 五 寨人

鳳臺縣復設訓 導王培嗣 翼 城人

姓氏



分理 臺 澤州府 經 歷李麟書 順天大興人

澤州府 經 歷李麟書 順天大興人

督刊 鳳 臺 縣 典 史烏汝槐 浙江鄞縣人

鳳 臺 縣 典 史烏汝槐 浙江鄞縣人

鳳臺縣星軺驛驛丞兼管巡檢事范承金 浙江會稽人

纂修

原任江蘇太倉州嘉定縣知縣姚學甲 山東鉅野人

經辦

貢 生朱宏炳

貢 生秦紹雷

參閱

辛卯科舉人汾州府寧鄉縣訓導苗令琮

採訪

辛卯科舉人潞安府潞城縣訓導范金模

甲 午 科 舉 人張宗孔

丁 酉 科 舉 人馬學默

甲 辰 科 進 士關返年

已 丑 歲 貢 生崔岱

鳳臺縣廩 生趙季瑛

鳳臺縣增 生馮亮采

鳳臺縣廩 生馮原張

澤州府廩 生王一德

澤州府廩 生王坦

校對

壬辰歲貢 生郭泰交

壬辰歲貢 生王揆元

鳳臺縣附 生秦汝默

編次

鳳臺縣附 生李廷光

鳳臺縣附 生王濂

鳳臺縣附 生王位坤

鳳臺縣附 生朱錫璐

鳳臺縣附 生王彛楷

繕寫

書 吏蘓繼軾

書 吏秦庚溥

鳳臺縣志

繪圖

監

督工

生方松齡江南泰州人

字梁毓棟

鳳臺縣志姓氏終

鳳臺縣志目錄

第一册 卷首 卷之一

序 圖 修志姓氏 目錄

凡例 沿革 星野 疆域

第二册 卷二之三

山川 城池 公署 倉庫 學校 壇壝 形勝

關隘 津梁 營汛 驛鋪 里甲 田賦 鹽法

土貢 物產 風俗

歲時 禮俗 卷四之五

第三册 卷四之五

封建 職官 學職

武職 官蹟

第四册 卷六之七八

目錄

選舉 武仕
封廕 人物

第五册 卷九之十

文苑 孝義 隱逸 僑徒

方技 仙釋 列女上

第六册 卷十一之十二

列女 下 祠廟 寺觀

古蹟 陵墓 紀事

第七册 卷十三之十四

藝文 一文

藝文 一文

第八册 卷十五之十六

藝文 三文

藝文 四文

第九册 卷十七之十八

藝文 五詩

藝文 六詩

第十册 卷十九之二十

輯錄 雜志

鳳臺縣志目錄

卷一	地理
卷二	建置
卷三	職官
卷四	選舉
卷五	學校
卷六	風俗
卷七	禮俗
卷八	藝文
卷九	雜錄
卷十	雜錄
卷十一	雜錄
卷十二	雜錄
卷十三	雜錄
卷十四	雜錄
卷十五	雜錄
卷十六	雜錄
卷十七	雜錄
卷十八	雜錄
卷十九	雜錄
卷二十	雜錄

鳳臺縣志

凡例

- 一 創修附郭邑志與他縣不同他縣祇記一邑事蹟首
- 一 縣附在府城如府縣共一文廟自應備載其他府縣
- 一 城隍廟及公署職官之類亦當分別登列至舊修州
- 一 志姓氏舊志叙文業載府志不復贅述非敢云掠美
- 一 也
- 一 舊州志每門冠以小序大率勸襲陳言鋪張頌美最
- 一 為陋習是編一革其舊其選與官階兩門歷代異制

特爲詳考史傳博錄碑碣揭名於首令閱者一目瞭
如至別門有應行者仍爲詳注於後
一舊州志列有坊表乃前明陳迹概置不書其鄉飲一
類雖稱鉅典而設縣以來五十餘年時舉時廢茲不
過存其名目
一舊州志有四大景十二小景於現在名勝點綴返照
積雪等字句多涉附會即使實有其事山川古蹟中
亦必詳爲言之今概行刪去至名人已經題咏不可
泯沒者則以爲遊某山水咏某古蹟云

一府志金石錄於時下碑版博採濫收而前代遺文以
多至漏今考據深山古剎自魏齊隋唐宋以逮金元
取其金石近古細加拂拭以印証史家年代官階至
近時碑碣或採入藝文不復重叙

一府志分野煩稱博引雜入輿鬼畢昴參觜茫無定見
舊州志較爲簡淨然騎墻其見兩執參觜亦少所歸
宿今遵據明史及西洋新法折衷一是其星圖及步
天歌概從刪例

一澤地從古爲國郡爲州縣爲軍爲路易代沿革不一

加以六朝分據五代戰爭隨時異名必詳加釐訂繪表方可明晰至別界分疆總以縣境統轄爲率不得牽引他邑

一府志及舊州志山川分列四境茫無倫次今特考嶽瀆山海水經諸書與同事者親歷其地詳考異同究明山所發脈水之源流或山下泉出水由地繞務使經絡相通支派相貫雖與往籍間有不符總以目睹爲據若關隘之在於形勢可以設險扼要津梁之便乎道路可以惠賈通商例當附記

一壇廟爲祀典所關至聖先師及從祀先賢先儒仍從舊州志分載姓氏其名宦鄉賢各姓氏附見職官選舉至列女已載本傳不必重出若書院鄉塾明道先生建立頗多均查核故址分叙使人知所向往

一公廨爲出政之地不得視爲傳舍除現在舊存新設詳悉具載而倉庫犴獄分類弁書驛遞關乎馬政營房係在兵防亦不敢稍有缺遺

一風俗古稱勤儉縉紳士大夫之家多敦古處比年以來習於奢靡或家本寒素而華麗衣冠或曩稍贏餘

而營建樓閣甚至釀金賽會結社迎神惡俗漸不可
 長前守嚴行禁止採入雜志示戒庶幾知所變易云
 一田賦為諸縣所同丁銀一項各省俱汰而山右獨存
 故田賦中不能遺丁又澤絹登於貢篚鹽法列於稅
 課一一備載其物產多與諸縣相同畧舉其異者撮
 而錄之

一府志縣境古蹟考據非實有創構新亭而謬作奇跡
 亦有名隸他境而借潤鄰輝諸如此類分別汰除至
 寺觀塚墓亦皆查核確據罔敢入於穿鑿

一封建有實封遙封之分實封者食采其土遙封者
 膺其名考前史此地寥寥無幾亦多無功此土祇列
 其目不必另為立傳

一職官按年代久近史傳碑碣可考者推次分序而品
 位崇卑旁加細注唐時雖稱重鎮實屬兼轄之地不
 復更列節制一門至武職舊設千總州志已無可考
 自設縣以後文職自應備登而額設都司千總等員
 及兵丁額類均應載列

一選舉自漢以來寥寥無幾魏晉時之門蔭隋唐後之

科目各細注本名下按年叙入其有籍非土著而舊志牽引量為刪汰至不詳出身及以例入仕者則統以仕進為名

一宦蹟必禦災捍患定國死事合是數者方列名宦至惠澤在人與利除害一節之流傳足以不朽則別為政蹟舊志列李遠李靖石守信等於名宦或因其郡名之同或因其出兵之次或因其平定之功殊未允協應當裁歸紀事一門

一人物他志分類甚夥茲特以人物統之其有學問足重而各不可沒或孝義可嘉而望重於鄉別列文苑孝義一門以隱逸方技僑徙仙釋附之有一人兩傳則刪存其一二世分傳則酌附於後不得過為辭費一此地女德過繁若必建坊旌表而後入志轉恐以身殉烈及貧而守貞者多所遺漏今援通志之例以事蹟可考者傳論於前而無甚事跡與年例相符或稍未符者列名於後以俟將來論定

一舊志藝文分列前明各論祭文其文按官品撰擬與誥敕一例人物門業經注明自應汰去其各家墓誌

銘表自家乘事耳不得泛入邑乘有人物應行採入者量爲節錄考史傳藝文祇載書目而藝文著於本傳康對山武功志遵守其意後人譏以志學史法今仍從俗另設藝文一門若辭太冗長文不古雅者則刪存大意不使梨棗濫受其災

一紀事他志或云武事大事而他志尙少此地爲全晉門戶從古戰場分據交爭不得不考史詳序畧援綱鑑之法而附以祥異至叢譚一門遺文瑣事諸類所不及載而有關風雅不妨臚列以快耳目若鬼狐輪

迴之說例不記載蓋此書原非齊諧志怪之典也

鳳臺縣志卷之一

沿革

統轄

唐 冀州之域

虞 冀州之域

夏 冀州之域

商 冀州之域

周 晉國

漢志注云
夏桀居天
門即天井也
縣南地名垂

沿革

佛大書館珍藏印

郡州

邑縣

鳳臺縣志

周初為翟人 鐸過父所據 春秋中晉天 并其地	三家分晉上 黨之高都初	屬魏欲與韓 易楚趙不欲 恐韓得二縣 兼兩上黨則	羊陽以上危 故以兵止易 後卒與韓易 其年月莫考 據史記魏王 十六年韓以 高都	與周
史記列國 分野上黨	上黨 屬趙亦大概 言之耳正義 云三家分晉 趙有上黨儀	沁韓有上黨 澤潞其半屬 魏考魏都安 邑遷翼城與 高都漢澤相 近則二邑自 當屬魏又戰 國策曰趙若	佐秦伐韓魏 則上黨長子 為趙所有據 此則韓魏分 地以注 氏為界	
高都先屬魏中 與韓易後	高都 卒歸魏魏王 四十七年韓 馮亭以上黨 十七邑歸趙 未嘗以高都 歸趙也據史 記秦莊襄王 元年蒙驁伐 魏取高都三 年蒙驁伐魏 高都汲 郡拔之			

魏初魏以上黨 二縣易韓南 陽赧王二十 六年魏欲以 秦兵伐韓求 故地無忌教 以存韓絕秦 安魏通上黨 於共再則故 地可得王從 其言韓以 故地歸	上黨郡 始皇二 十六年	高都
佐秦伐韓魏 則上黨長子 為趙所有據 此則韓魏分 地以注 氏為界	上黨郡 始皇二 十六年	高都

漢	秦
并州 高帝元 年建置	
上黨郡 有天 井關	高都

後漢并州

上黨郡 建安十年分

高都

秦

置樂平郡

陽阿

三國

魏因漢制

晉

上黨郡 成帝咸和三年

高都 惠帝永興元年劉淵

石勒陷上黨

遣劉躡寇高都

燕取上黨郡

陽阿 晉初省後復置晉書

太和五年秦王猛執北燕

略見魏書

上黨太守慕容

容越郡縣皆降太元十一

年西燕慕容

永僭號分上

黨置建興郡

十三年為慕容

容垂所滅

建興郡 初仍舊名

高都郡 武帝太平真君

九年省建興郡

建興郡 成帝和平五年

復置以高都 莊帝子攸

元魏

沿革

三

北齊

北周

罷建興改置
建州分設陽
阿考本紀永
安三年退停
建興之高都
據世隆傳北
據建州經
傳不合

建州 宣帝天保
七年分省

高都

州縣廢陽阿
建州領郡二
據大陽河清
年碑記云陽
阿故
縣

高平郡 武帝宣
政二年 建州

并長平高都
二郡為高平
郡以建
州隸之

澤州 開皇三年
罷高平郡 建州

為澤州以
建州隸之
丹川 十八年改
建州為丹
川

長平郡 煬帝大
業初於

丹川置長
平郡州廢

澤州 高祖武德
元年置本

長平郡治八
年徙治端氏

建州 武德元年
置三年析
晉城 舊唐書武
德元年置

唐

隋

丹川置晉城隸之	蓋州武德六年廢建州改	置蓋州析	高平郡元宗天寶元年	改澤州為高平郡仍轄晉城	澤潞軍 肅宗至德二年	置節度使治潞州上元二年兼領沁州寶應元年兼
移丹川於源澤水北與新唐書不合	丹川	蓋城武德九年丹川蓋城	澤州 肅宗乾元元年復改	高平郡為澤州		

領陳鄭四州	代宗廣德元年增領河陽三城	昭義軍 大歷元年賜號	昭義軍建中元年兼領澤潞	後唐昭義軍
澤州 唐末澤屬晉五代史	職方考以澤歸晉考梁紀	開平三年晉	稱天祐五年梁主入澤州以攻潞為存	
丹川 天祐二年更置丹川	丹川 晉城			



最所敗進攻
澤州不克中
聞不見晉得
澤州年月歐
陽子以為史
有缺誤據碇
石山渠牒石
刻係晉天祐
六年澤尚屬
梁又據李嗣
昭開元寺銅
鐘記稱天祐
十一年七月
本年六月嗣
昭妻楊郡君
峽石山亦有
石壁詩刻是
晉得澤州當



後晉昭義軍

澤州仍轄丹川晉城

晉城

季漢昭義軍

澤州季漢元年稱天福十二年史宏肇取澤州

丹川

後周昭義軍

澤州顯德元年帝入澤州

丹川

宋昭義軍

宋初仍昭義軍

澤州本唐高平郡

晉城

晉丹川入晉城有天

至道三年分天下為十五路屬河東道

并關靖康元年改雄定

金 河東南路 金初置 南澤州 天會六年以與 晉城 有太行山 丹水白水 天井關

北京澤州同 加南字天德 三年復 去南字

昭義軍 貞祐四年 澤州 元光二年 升為節鎮

州改隸孟州 日忠 昌軍

復隸潞州

元 平陽路 元初為 平陽路

晉寧路 大德九年 以地 澤州

震改晉寧路 設司候司至 元三年 省

年省

晉城 至元三年 省陵川入 晉城後 復置

明 平陽府 明初澤 州隸平

陽府

澤州 省晉城併 入九年改

隸

國朝 山西布政司

澤州 初仍明舊 雍正六年

附郭設縣

澤州府

鳳臺縣 新設舊 一百七

十三里今一 百五十四里

沿革考

澤為古冀州域路史云築始遷於垂註謂天門在澤

州太行之上戰國策云夏桀居天門即天井也博物

志云縣南地名垂今高都村南有垂棘山信陵君以爲垂都是也周時爲翟人鐸所據春秋中晉滅之三
家分晉史記以上黨屬趙不過大概言之正義云趙
有上黨儀沁韓有上黨澤潞其半屬魏考魏都安邑
遷翼城與濩澤高都相近則二邑屬魏無疑戰國策
云魏初欲以二縣易韓南陽楚趙不欲恐韓得二縣
兼兩上黨則羊腸以上危故以兵止易後卒與韓易
其年月莫考據史記赧王十六年韓以高都與周又
二十六年魏欲以秦兵伐韓求故地無忌教以存韓

絕秦安魏通上黨於共甯王從其言韓以故地歸又

赧王四十七年韓馮亭以上黨十七邑歸趙高都不

在其內故史記莊襄王元年蒙騫伐魏取高都二年

蒙騫伐魏高都拔之註云高都在今澤州秦始皇二

十六年分上黨郡隸高都漢高帝元年於上黨郡之

高都分設陽阿侯國後漢爲陽阿縣在今大陽鎮魏

因漢制晉初仍上黨郡有高都省陽阿後復置劉石

苻慕容割據其地至西燕慕容永分置建興郡魏土

地記以爲治陽阿按水經注陽阿水北出陽阿川南

流逕建興郡今陽阿故城在陽阿水東北非南流所
逕桃固嶺有地名建興鄉西臨陽阿水當爲建興舊
治元魏初仍舊名武帝太平眞君九年省建興改置
高都郡在今縣治非漢之高都也成帝和平五年復
置建興郡廢陽阿以高都隸焉莊帝子攸永安二年
罷建興改置建州在今治分設陽阿考本紀永安三
年尔朱世隆還停建興之高都而世隆本傳以爲北
據建州紀傳不台北齊建州領高都陽阿宣帝天保
七年并省州縣廢陽阿大陽河清年碑記亦云陽阿

故縣北周武帝宣政二年并長平高都爲高平郡領
建州隋開皇三年罷高平郡置澤州仍領建州十八
年改建州爲丹川據仁壽二年碑記云澤州丹川縣
與隋書合煬帝大業初於丹川置長平郡新唐書高
祖武德元年置澤州本隋長平郡治治濩澤在陽城
境又云高平縣治本長平郡前後自相矛盾且隋志
旣謂丹川置長平則丹川卽係濩澤更涉穿鑿者是
年復置建州三年析丹川置晉城果如此說則丹川
旣屬今治晉城自係別置宜乎後人有晉城在高都

村之疑也據舊唐書武德元年移丹川於源澤水北
係漢高都故城非北魏所置北魏高都卽齊周建州
隋丹川唐晉城統在今治不得以源澤水北之丹川
強爲蒙混也八年徙澤州治端氏故城在沁水境九
年丹川蓋城并省入晉城太宗貞觀元年廢蓋州徙
澤州治晉城元宗天寶元年改澤州爲高平郡仍轄
晉城與四義唐石幢合府志悞作二年肅宗乾元元
年復改郡爲澤州至昭宗天祐二年更置丹川五代
丹川晉城隸澤州無所更易職方志以澤屬晉考梁

紀開平二年晉稱天祐五年梁王入澤州以攻潞爲

晉所敗晉攻澤州不克明年十月梁尙牒勅峽石山

其晉得澤州年月史官失載據李嗣昭開元寺銅鐘

記及其夫人楊郡君峽石山詩刻俱在天祐十一年

晉得澤州應屬天祐八九年間宋初省丹川入晉城

金天會六年澤州加南字以別於北京澤州大德三

年復去南字元光二年升爲節鎮日忠昌軍仍以晉

城隸之元以澤州晉城屬晉寧路明初省晉城入澤

州屬平陽府九年改直隸

國朝初仍舊名雍正六年陞州爲府附郭設縣曰鳳臺
相傳晉太始初鳳棲於此據晉書郡國奏鳳凰各一
見亦未嘗專有指名也

星野

春秋緯文耀鉤曰太行以東至碣石王屋底在冀州於斗
柄屬樞漢天官書魁枕參首北斗七星太微垣北一日天
樞二日璇三日璣四日權五日玉衡六日開陽七日搖光
一至四爲魁五至七爲杓蓋七星之所主如此

史記云晉之疆候辰星占參伐漢天官書五星屬辰漢志

注辰星屬幽冀弁馬融注曰食封事參居兌位西方其分
野屬弁州唐書曰晉候辰星占參伐鄭漁仲曰辰星北方
冬水智也聽也張衡曰五星之精各有攸屬晉地以辰爲
斷

李淳風法象志參實沈之次於辰在申兩鎮三關考十二
支配申之說也皇甫謐曰趙分野自畢十二度至東井十
五度曰實沈之次於辰在申謂之涪灘於律爲仲呂斗建
在巳唐天文志數從星紀起實沈初畢十二度立夏中井
初小滿終井十五度蔡邕云起畢六度至井十一度謂之

實沈立夏小滿居之

帝王世紀十二次屬實沈春秋左傳昭公元年子產曰后
帝遷實沈於大夏主參晉公子重耳出奔歲在實沈秦伯
納之董因曰君以辰出而以參入必獲諸侯唐一行曰觜
觜參伐實沈之次初起畢十度中參七度終東井十一度
晉魏分野保章氏實沈晉也

晉天文志州郡躔次上黨入輿鬼二度又參觜於州為益
春秋元命苞曰參觜流為益州益之為言阨也言其地險
阨又曰益之為言隘也謂物類并決其氣急切決裂非蜀

之益州也

按明史天文志四川所屬惟綿州觜分合州參
井分餘皆井鬼分據此則流為益州之說似精

光流注兼
屬益州

唐新書律法志參伐為戎索為武政當河東大

夏之墟上黨次居下流與趙魏接為觜觶之分洛書甄耀

度西方白虎觜觶三星為虎首參伐十星中三星虎身隅

四星四足伐二星尾也爾雅星紀觜觶參魏分寰宇通志

澤觜參井之分圖書編澤州觜參分野明清類分野澤州

屬觜參分明史天文志山西太原平定保德岢嵐汾澤參

分餘郡邑畢昂觜參井各分屬

舊州志參為晉星韓趙魏衛之界均為晉土漢班固配十

二次以昴畢趙之分野屬冀州陳卓京房張衡并云昴畢趙冀州上黨應候昴畢元命苞曰昴畢散爲冀州立爲趙國上黨趙之分地秦趙遇於長平太白食昴米嘗食參古不以昴建上黨上黨屬晉也晉初不封上黨紫參不臨上黨非昴其孰主之高平爲上黨古長平故高平當屬昴而畢在天街南陽國不占紫參距參一度爲虎首畫野在王屋以東王屋陽城之屏虎有首有身不可以參先紫參此可以斟酌澤之星次分合矣

府志考上黨諸翟所居後滅於晉故有晉初不封上黨參紫不臨上黨之說夫分國有變遷而星象無改移史記紫參屬益州爲冀之域唐志以上黨次居下流爲紫參之分明一統志及圖書編以紫參分野專屬從晉志也漢志晉之疆占參伐是概晉而言若澤則差遠漢地理志獨占昴畢隋史金史亦然春秋元命苞亦以昴畢屬趙長平之役太白食昴占駱家又復主之是四星之體後先相附舊志同列茲特詳稽以資博覽

星野考

鳳臺爲澤郡附郭古稱上黨占星分土度入輿鬼漢

京房蜀譙周等嘗主其說李淳風援以作志前人固
辨其非矣史記天官地志隋書金史又言上黨分應
昂畢則泥於上黨屬趙而秦趙戰長平太白食昂之
說不知三家分晉高都本屬魏中與韓易而卒歸魏
馮亭以上黨歸趙未嘗以高都歸趙也且趙得上黨
三年卽爲秦所取是上黨非終爲趙有也况秦滅六
國昂畢相關荆軻刺秦王太白襲昂是昂之占不獨
在趙而乃以長平之應牽趙爲昂畢且牽魏高都以
附長平亦未可信矣或又言上黨原非晉土諸翟潞

澤錯處其間春秋中世晉乃滅之參宿固宜主晉而
上黨非晉始封不得獨占爲參後之論分野者附會
所近別之以觜觿則如爾雅星紀之衍一行也兩岐
其見擬之曰觜參則如清類分野之守圖編也夫觜
參象西方白虎觿爲觜之餘氣觜實參之一體觜之
度短而少參之度長而多行當狹處則速行當寬處
則遲遲速既久而先後易次今以西洋湯若望新法
考之觜宿距參漢測二度唐測一度宋測一度迄半
度元測五分至明季二百餘年觜宿侵入參宿二十

四分此天行之必然而無疑也

國朝纂修明史採其說以志天文如觜宿唐測在參前

三度

此句與新法不合似誤

元測在參前五分今測已侵入參

宿故舊法先參後觜新法先觜後參且觜宿中座旗

九星祇存其五安敢以渺小之觜觴與參同論澤分

也故次第衆說之非而詳為辨論斷以澤為參分主

之以七星則斗柄為樞屬之以五星則辰占參伐配

之以十二支參之以十二次則於辰在中實沈大夏

也晉天文志參於州為益春秋元命苞曰參觜流為

益州益之為言阨也言其地險阨又曰益之為言隘

也謂物類並決其氣急切決裂非蜀之益州也按明

史星野四川所屬惟綿州觜分合州參井分餘皆井

鬼分據此則流為益州之說似精光流注兼屬益州

而言無庸穿鑿其說矣

疆域

府治在太原省東南六百八十里倚郭鳳臺縣東西一百

里南北一百六十里廣輪之數後促而前舒 東至峯頭

村距城五十里接陵川縣界村西鳳臺村東陵川 西至

周村鎮距城五十里接陽城縣馮村堡界 南一至大口
 碗子城距城一百里接河南河內縣斜石坡界 一至小
 口村距城七十五里接河內窰兒頭界 北至周纂村距
 城五十五里接高平縣界 東北至界牌嶺距城五十五
 里接高平縣界 東南一至小澤里距城一百一十里接
 河南修武縣界 一至水碓村距城一百里接河內縣界
 西北一至常店村距城六十五里接沁水縣界 一至
 黃沙嶺距城五十里接陽城縣界 西南一至石門口距
 城一百里接河內縣界 一至史家口距城一百里接河

南濟源縣界



鳳臺縣志卷之一終

恒

未來杜少月八不

得先末侯法心不得

恒少命五年守木子老

中間李公鐸門外

有恒樹一公

後來杜少命

